



Boissier, Pierre-Edmond

Diagnoses plantarum Orientalium novarum [...] Series secunda. N.º 4... (1859)

Index

1. 32

2. 33

SIDERITIS ARGUTA Boiss. et Heldr. (Sect. *Empedoclea*.)

S. basi suffrutescens tota tenuiter araneoso-sublanata grisea, ramis ascendentibus elongatis, foliis oblongis breviter acuminatis spinuloso-mucronatis apicem versùs argutè et tenuiter denticulatis reticulato-venosis inferioribus in petiolum brevem attenuatis superioribus coriaceis sessilibus, verticillastris omnibus præter summos distinctis remotis racemos longos simplices vel basi ramosos formantibus, foliis floralibus adpressè et breviter hirtis ciliatis virentibus ovato-rotundis abruptè et breviter acuminatis calyces ad medium usquè occultantibus, calyce brevissimè glanduloso-hirto dentibus triangulari-lanceolatis ciliatis dimidio tubo paulò longioribus, corollæ luteæ adpressè hirtæ tubo apice subexserto limbo minuto.

Hab. in saxosis apricis *Tauri Pamphylici* in valle *Marla* ad radices montis *Gheidagh*. 10 Julio 1845 legit cl. de Heldreich.

Planta sesquipedalis, folia inferiora sesquipollicem longa 6 lineas lata superiora sensim diminuta, verticillastris parvi inferiores 1-1 $\frac{1}{2}$ pollicem distantes, calyx 4 lineas longus. Foliorum dentibus et indumenti naturà refert *S. condensatam* B. et Heldr. earumdem regionum oriundam cujus verticillastra in spicas oblongas valdè compactas approximata sunt calycesque longè hirsuti 5 lineas longi. Doleo cæterùm limites variationum in hâc sectione difficili nondùm datis notas esse.

SIDERITIS PELOPONNESIACA Boiss. et Heldr. (Sect. *Empedoclea*.)

S. basi suffrutescens crispè et laxiusculè lanata flavo-virens, ramis ascendentibus, foliis brevissimè petiolatis sessilibusve oblongo-spathulatis oblongisve obtusis obtusè crenulatis margineque sæpè obsoletè crispulis, superioribus oblongo-lanceolatis acutis, verticillastris inferioribus distinctis superioribus in racemum densiusculum brevem approximatis, foliis floralibus hirsutis submembranaceis flavidis e basi ovatâ acuminatis inermibus calyces occultantibus, calycis albo-hirsuti dentibus lanceolatis acutis dimidio tubo longioribus, corollâ luteâ adpressè hirtâ tubo incluso.

Hab. in regione superiori montium *Olenos* et *Kyllenes Peloponnesi* alt. 5500'–6500' cl. de Heldr.

Species affinis *S. theezanti* pro qua eam primum habuimus, hæc tamen quam tantum ex montibus *Malevo* et *Taygeto* Laconiae genuinam vidimus sat differre videtur indumento densiori tomentoso, foliis inferioribus ovatis, præsertim bracteis crassioribus magis herbaceis longissimè acuminatis corollisque minoribus calycem vix superantibus.

SIDERITIS PHLOMOIDES Boiss. et Balansa. (Sect. *Empedoclea*.)

S. caulibus suffruticosis prostratis tota indumento brevi papillari-glanduloso pilisque longis adpressiusculis hirsuta flavo-virens, ramis erectis abbreviatis simplicibus, foliis oblongo-spathulatis obtusè crenulatis obtusis inferioribus longè superioribus brevius petiolatis, verticillastris 4–5 remotis, foliis floralibus reticulato-nervosis submembranaceis e basi ovato-subcordatâ longè acuminatis calyces suboccultantibus inferioribus longissimis, calycis minutè glandulosi adpressèque hirti dentibus lanceolatis longè spinuloso-acuminatis dimidio tubo longioribus corollam flavam hirtam subæquantibus.

Hab. in monte *Masmeneu Dagh* in *Cappadocia* inter *Taurum* et *Cæsaream* sito. Fl. Augusto cl. Balansa.

Rami semipedales vel paulò longiores. Folia inferiora pollicem circiter longa 5–6 lineas lata petiolo pollicari vel longiori suffulta, bracteæ infimæ 12–15 lineas, cæteræ 9–10 longæ Calyx 6 lineas longus. Species a. *S. Peloponnesiacâ*, *Pisidicâ* et affinis inter alias notas foliis longè petiolatis et calyce longiori non tantum acuto sed longè spinuloso-acuminato insignis.

SIDERITIS VESTITA Boiss. (Sect. *Eusideritis*.)

S. suffrutescens decumbens cæspitosa intricata, ramis brevibus erectis rigidis angulatis simplicibus basi densè superius laxè foliosis foliis parvis sericeo-lanatis oblongo-linearibus acutis integris vel utrinquè minutè unidentatis, superioribus sæpè glabrescentibus, verticillastris parvis 2–4 distinctis rariùs subdistantibus sæpiùs in spicam ovatam aggregatis, bracteis villosis ovato-rotun-